

四庫全書

集部

欽定四庫全書

御製詩餘集卷十九

古今體四十一首

戊午三

至避暑山莊作疊去歲韻

昨晚雨宜晴更宜山莊於是駐清怡途斯舊識不期至
民久相親任意隨巡狩惟勤人事省豫遊詎在已私為
頻頻望捷仍未已擲筆促章自哂之

昨夏駐蹕避暑山莊正值勦辦貴州

神苗及川楚教匪日殷望捷嗣於秋間雲貴總督勒保
一人將神苗各首逆悉數擒誅全黔底定而川楚教匪

屢經官軍勦捕雖殲賊甚多起事首逆齊王氏姚之富業已就擒而餘賊首犯尚有奔竄稽誅者茲又值駐蹕山莊盼捷仍如昨歲惟增煩悶爾

永佑寺瞻禮再疊丙辰詩韻

昨歲平苗邪教仍

昨歲勦辦狎苗據雲貴總督勒保先後奏報攻克洞瀧當丈及北鄉巴林

賊巢擒獲首逆七緒鬚王囊仙王抱羊等苗疆底定並有詩紀事惟川楚教匪則自丙辰春間滋事至今兩載有餘尚未悉數擒誅諸臣豈弗夙恩承近雖勦二兵揚金望捷音尤為殷切

勵楚省起事首逆齊王氏姚之富二犯屢被官軍兇勦

轍轉逃至陝境經德楞泰明亮等帶領吉林黑龍江勁兵協力追捕賊匪由山陽一帶分路竄逸官軍奮勇追擊賊復折向西南竄至楚北鄖西地界德楞泰明亮

等晝夜追躡一百七十餘里殺賊數千齊王氏姚之富
二首逆猶竄踞山梁官軍四面圍住齊姚二逆被圍緊
急俱投墮懸崖官軍即時擒斬於三月十三日捷書馳
到渠魁既得士氣倍增陝境餘匪似可剋日掃除矣

尚有竄餘賊戰兢奮勇即應靖巢掃延期何乃駐營憑

自前次捷章奏到之後僅有餘賊李全高均德阮正通
等數犯以官兵全勝之勢勦此潰敗窮蹙之賊理應即
時掃蕩全俘匪黨捷音踵至乃自三月十三日至今兩
月有餘雖據宜綿德撈秦明亮等節次奏報屢有斬獲
阮正通業已逃至川境而李全高均德仍入山奔竄日
久尚未就擒宜綿德撈秦明亮諸人皆夙受厚恩奉命
勦賊豈竟駐守軍營不思奮
督催每不遺餘力

兩月以來盼望

捷音肝宵莫釋或間日或連日馳諭飭催籌筆殆無虛
晷軍機大臣等遵旨書諭指示機宜於訓勉之中申以

微惕之意恩威並用其奈如聞虛語稱宜綿德樛泰明亮等接奉節次

亦可謂不遺餘力矣督催之旨非不各陳感懼云思設法勦淨餘匪乃待之日久而捷音未至徒託諸空言於事何益現當駐蹕避暑山莊循例瞻禮永佑寺因思昨歲瞻禮時正值籌勦逆匪曾有惟餘邪教三軍勦之句今又閱一年尚遲歲績盼捷之衷彌覺刻難自釋爾

鑑始齋題句

五集篇成四萬奇

讀作有餘之奇

自嫌點筆過多詞然非弄月

吟風爾惟是書心信手斯白傅陸監較過平聲彼李狂杜

苦亦殊其却思此後應簡作謾使人評意溺詩

余十二歲時蒙

皇祖賜居萬壑松風之側因名之曰鑑始齋自沖齡佔
畢至今八旬有八仰沐

昊慈

祖佑精神康健訓政如常實從古帝王未有之事因憶
予少時即喜作詩不屑為風雲月露之詞自御極以
來雖不欲以此矜長然於問政勅幾一切民瘼國是
之大者往往見之於詩計丙辰至丁卯編為初集得

詩四千一百六十六首戊辰至己卯編為二集得詩
八千四百八十四首庚辰至辛卯編為三集得詩一
萬一千五百十九首壬辰至癸卯編為四集得詩九
千九百二首甲辰至乙卯編為五集得詩七千七百
二十九首合計五集共四萬一千八百首亦云富矣
古之詩人年高而詩多者在唐為白居易在宋為陸
游居易以太和開成編年分四集為卷僅二百有二
為篇僅千有五十六陸游之詩初編祇四十卷再編

通前祇八十五卷本朝輯全唐詩一代三百年二千二百餘人之作纔得四萬八千九百餘首今予詩五集釐為四百三十四卷總計四萬一千八百首而樂善堂全集在潛邸時所著者尚不入此數是予以望九之年所積篇什幾與全唐一代詩人篇什相埒可不謂藝林佳話乎然予初非以韻語一事與文人學士絜量多寡也夫詩以言志言為心聲非僅絺章繪句如詞人東塗西抹之為且為人君者若專以吟詠

為能亦即溺情之一端自古有戒予曷肯出此實因
予臨御六十餘年中間大功屢集鴻儀疊舉兼以予
關心民事課雨量晴占年省歲數十載如一日而閔
事既多析理尤審即尋常題詠亦必因文見道非率
爾操觚者比乃質言非虛語也今春秋八十有八自
丙辰授璽以來猶日訓子皇帝政自維耄耋之年吟
什原應從減擬將每年依例之作量為簡省而事之
有關大體者仍不能不涉筆成章以昭紀實計丙辰

至今又閱三年復得詩數百首此後應於五集外另
編餘集若更叨

洪貺算衍期願復得裒然成帙滙為別集鉅觀豈不更
為史冊希有之隆軌乎偶題鑑始齋迴溯髫齡以至
今日即詩集之多亦皆

眷貽之厚爰綜其全數並抒夙志附識於此

雨 五月廿二日

啟蹕臨莊廿日間坦途朝暮衆心閒

自十一日啟蹕幸
避暑山莊惟十六

日至喀喇河屯行宮後遇有陣雨旋即放晴途間與從
毫無泥濘之虞茲到山莊已閱五日連值晴霽氣候炎

蒸未免畧行宮五日怡情暢夏曉一霖宜稼潛潛字本
貢奎詩

疎林日暮雨潛潛本日自交丑刻雨作入曉勢益滂
沛至午刻方止入土深透大田禾稼得此渥澤優霑益

見發榮滋長潤物無聲垂淦淦落崖有象益潺潺晴曦
洵堪誌慰

濯午碧天淨慰復兼愁望捷闕

直隸總督胡季堂及留京王大臣順天府尹等同

日奏到得雨優渥情形詩以誌慰

甘雨由南向北來

廿二日丑刻熱河得雨至午刻方止
極為霑渥是日雲氣濃厚即知得雨

之處必廣廿四日早間果據直隸總督胡季堂馳奏保
定省城於廿一日酉刻起密雨如注至廿二日午刻止
入土深透高粱粟穀等項咸獲滋培益加茂茂俟各屬
報齊再彙單具奏等語同日未刻復據留京王大臣等
奏報京師於廿一日戌刻雨作至廿二日辰刻止申酉
之間復又大霽戌刻方止遠近均霑並據順天府尹奏
報附京之通州涿州良鄉等處同日得雨深透各等語
此次雨勢自南而北畿輔及口外數百里內霑被優渥
情形相等欣慰之餘彌增虔惕透經八百里而該麥收已定夏禾發敢
曰慰哉益惕哉

敬晴齋題句

敬晴每以望晴臨今日題詩殊向吟

齊名敬晴本因快
晴取義每歲來斯

必有題詠大率連陰盼霽之句居多今年暘雨應時自
駐蹕山莊於廿二日得雨旋獲晴霽廿五日酉刻復霽
時霖至次日午後方止極為霑渥傍晚即已放晴今晨
氣候清佳曦暘晶朗尤與斯齋名實相稱因思宜雨宜
暘實為占豐佳兆而欣幸既深惕懷彌切近日本擬稍
簡題詠值此好雨新晴登臨舒眺又不能不增吟興爾

宜雨宜暘真愜意曰欣曰惕益銘心老年非少艱生慰
器滿易傾可不欽本欲簡詞復難簡試看四面翠峯參

即事

乘涼每愛倚長松無礙翻來天籟重坐久不知時與刻
梵樓遙報午初鐘

山寺不設僧惟令園吏按時鳴鐘亦一佳趣也

勒保奏官兵攻克老木園賊巢斬梟首逆陳崇德

詩以誌事

老木賊據險攻之過一年督催不遺力茲乃剋其堅

川省

老木園賊首陳崇德自上年四月糾衆滋事其時將軍觀成提督劉君輔帶兵前往剿捕逆匪等恃其地勢險峻抵死拒守經官軍圍剿踰年而賊巢尚未攻克首逆陳崇德日久稽誅節經降旨嚴飭並將觀成劉君輔革職令其戴罪行間免圖自効茲始據勒保奏報觀成劉君輔於五月初三日殲淨老木園首夥捷音馳至山莊計此股賊匪剿辦完竣已閱一載有餘矣

壁壘垂百尺其逕一線穿線徑賊

據上仰攻誠實艱勇弁虎正林躍登賊卡先乘勢衆涌上一鼓扼其巔逆首不能支滾岩奔命懸將弁各分路

兜截圍以全賊無處可奔逆首自戕完

勒保奏接據觀成劉君輔呈報

官兵由三道垭進攻老木園焚其外圍木城賊匪施放滾木礮石抵拒愈力該處山徑險峻我兵屢次搶上山頂鎗石如雨不能站立守備虎正林手執擋牌奮力先登躍入賊卡砍斃數賊我兵乘勢涌上殺賊數百名首逆陳崇德自揣勢不能支率衆從西北滾岩跳澗捨命奔逃復經官兵截住觀成劉君輔帶兵兩面夾擊將弁等分路攀援競上搶佔山梁賊匪無路可奔殲戮殆盡首逆陳崇德自用矛鎗戮傷心坎斃命當經驗明屍身割取首級梟示並將拏獲賊目等概賊夥掃蕩淨成功行寸磔此朕賊匪首夥掃蕩無遺

報以遙迴憶督催時嚴旨不稍憐及其得成功恩宥原

從寬

前因觀成劉君輔勦辦老木園賊匪曠日持久未能歲事疊經嚴旨飭催仍未攻克賊巢擒拏逆首

是以將伊二人革職示懲仍令帶兵効力贖罪觀成劉君輔自點革後尚能自知愧奮上緊攻勦績經勒保派令總兵德齡前往督辦觀成劉君輔於德齡未到之先即將老木園賊巢攻克殲淨首夥雖辦理遲至一年有餘未足為功但究係伊二人一手辦竣因加恩將觀成劉君輔均賞給頭等侍衛職銜仍頒賞大小荷包並諭勒保遇有總兵副將缺出奏請署理其出力將弁酌加陞用以示獎勵予向來辦理軍務於帶兵人員有罪必罰有功必賞即如觀成劉君輔前此遷延貽誤自應斥革嚴懲今尚能愧奮立功亦即加之寬宥立予嘉獎如此恩威並濟斟酌權衡務期寬嚴兩酌用兵所最難悉當用兵之難亦於此可見

寬嚴兩酌用兵所最難

西峪

蹕駐仙莊過浹旬今朝西峪路初循雖云二豎縛將近

陝境逆匪李全高均德二犯以敗竄之餘經德楞泰明亮等於洋縣城固褒城等處節次截剿殲斃數千名賊勢已極窮蹙此二逆首自可尅日就擒却已三年凱未臻敵愾勞哉我軍

衆竄幽詭矣彼狂倫

李全高均德等自齊王氏姚之富殲滅後四處奔竄官軍緊蹙賊蹤

悉力兜剿而賊情詭譎忽合忽分李全高均德二逆首於打仗時或在山遠望或潛匿別隊一經官軍擊敗即覓徑先逃我軍隨剿隨截以致有稽時日逆匪等現由武關一路竄至鳳縣地方距甘肅兩當縣境不遠總兵吉蘭泰署布政使廣厚等現已帶兵堵截賊匪無路可逃諒亦不能更延殘喘矣

邇聞獲醜期

昨定

前據宜綿等奏賊匪由武關奔竄後聚於一處其勢益熾現在德楞泰自五道梁追擊明亮在黃沙

驛一帶迎截秦承恩王文雄亦帶兵自北面兜圍旬日之內諒可擒拏首逆等語此摺於廿三日奏到今又隔六日計此時捷音當早

在途盼望彌殷宵旰

何事飛章尚待陳

有真意軒

心之發者名為意意即心寧有假真理與欲如失克復毫釐千里慎其甄

秀起堂

一堂叢翠據其高灌木千尋足底豪攀陟豈無勞步履

到來亦足俯風騷秀而起者為誰氏靜以觀之泯際遭
乍向西南騁遙目愧哉黷武議難逃

湖南巡撫姜晟署廣西巡撫台布山西巡撫伯麟

各奏報麥收八分有餘詩以誌慰

南湖西粵及山右報麥八分收有餘

據湖南省巡撫姜晟奏

來雨暘時若各屬二麥豐稔收成九分者湘陰等五州縣八分有餘者道州等八州縣八分者耒陽等十八州縣此外零星種麥不入分數之三廳等處一律有收合計湖南通省實在八分有餘又據署廣西巡撫台布奏二麥豐收除土性不宜種麥各屬外其漢屬內收成十分者一縣九分者二州縣八分者四十廳州縣七分者

四廳州縣土屬內收成九分者三土州縣八分者三十
土州縣七分者二土州合計通省漢土各屬收成八分
有餘又據山西巡撫伯麟奏山西省各府州所屬各廳
州縣及歸綏道所屬各廳二麥約收分數內約收十分
者忻州介休二州縣九分有餘者陽曲等九州縣九分
者太原等二十四州縣八分有餘者徐溝等十七州縣
八分者榆次等二十八廳州縣七分有餘者吉州等七
廳州縣七分者嵐縣等二十一廳州縣合計通省二麥
約收八分有餘

餘各等語

各省大都胥中稔

今年各省麥收分數直隸河南雲南貴州等省

奏報九分有餘陝西山東浙江等省奏報九分均屬上
稔茲湖南廣西山西等省各奏報八分有餘亦可稱中
稔

青黃接食總欣予

現在各省二麥早已登場民食有資大田正當長發之際據各督撫

奏報暘雨應時惟祝秋成豐稔寰宇均獲有年實深欣企

欽定四庫全書

御製詩餘集

夙興

四八三十

作平聲 為謚白

陸游老學菴筆記十字轉平聲讀

九十橋宋白宮詞三十六所春宮館一一香風送管絃皆作平聲

二刻消安眠一夜夙

興朝幸予耄耄宜清夜殊彼君王不早朝露重平蕪心
共潤風遲捷簡意仍焦詩吟順口書隨手聊以成章自
解嘲

雨

六月初四日

不惟過

平聲

二且過三

本月初一日午後微陰夜間密雨達旦俗諺有不怕初一雨只怕初

二陰之語方切。塵懷乃初二日晨曦開朗。初三日仍復快晴。允為暢雨。應候。今日午間陣雨。勢復酣暢。值此連霽之後。接沛時霖。於農田大有裨益。但雨已需足。惟願適可而止。不致有過多之虞。既以誌慰。彌增惕念。爾

霽後暑霖。值普覃弗驟。弗徐飄。妥貼曰高。曰下。霈沈酣。允臻渥矣。願其止慢。致多哉。此正甘既。慶仍虞。或過爾。一心無定。惕難堪。

喜晴

六月初五日

既渥宜晴。晚果晴。最宜行旅。復宜耕。一端仍切捷音。至寸刻何嘗有慰情。

千尺雪二首

兩首七言復詠斯竟成詩債一償之笑予尚有如斯事

天下貧人合念其

雪源遠矣昔言詳

山莊瀑泉自湧翠岩上佛寺傍池中擘石辟而出飛落長溪其上構亭名

觀瀑以此但寺池中實無泉源康熙年間於佛寺西尋得山泉接木版匣為溝渠沿山邊引流至寺池擘石辟而下不過司工者巧為綴景虛名而已余於己卯年因木版匣為溝渠置山邊不雅且費修飾因循其上山徑側果有一小泉命建一亭名曰瀑源疏山側為溝渠引流曲折以達於湧翠岩之寺池似果有瀑源矣又聞數十年往來山徑中覺其泉細而低於寺池且越數層谷壑之遠未必能引致池中昨歲曾命皇帝率御前大臣

及司工之人攜儀器步步測量乃知泉果低於寺池且其流甚細不能引為飛瀑而自泉之下至寺池有山池九疊疊皆置開積雨後山水漲流沿山邊石溝以至山寺則所謂瀑源者特因泉漲水高因以命名耳詳見昨歲觀瀑詩樂語

雪色今朝忽變黃自是上源山雨盛疾來退亦疾其常

永恬居疊去歲詩韻

巖蹊所喜直還斜得趣那論邇與遐樂水行行樂山近靜觀歷歷靜思嘉壁粘

鳳尾心猶仰

永恬居額乃皇祖御題也

牋罷蠅頭眼已花盼捷依

然今似昨

前歲駐蹕山莊籌勦湖南苗匪於是年冬底歲功完善昨歲來此正值勦辦黔省紳苗及

川楚教匪曾有望捷依然祇自嗟之句茲又閱一年紳苗於昨冬久經底定川楚教匪經各路帶兵大員等節次殲斃多賊擒獲起事首逆齊王氏姚之富二犯而餘匪之奔竄川楚者尚有李全高均德王三槐徐添德冉文儔羅其清阮正通等各首逆未就擒誅盼

西南騁望

益興嗟

素尚齋

素尚尚在已尚素素在彼一二二而一其實無彼此箇

中實頻來繹義惟切已然而頻有言亦覺尚辭矣

招涼榭再疊甲寅韻作

乙卯望雨坐斯處佳哉驅暑延清涼邇來炎酷復如故
願符昔兆

恩霖彰三年瞥眼似朝夕一念銘心變雨暘雖然歸政

合簡詠

乙卯來此正值炎暑望霖旋獲甘霽今夏六月初八日交初伏以來氣候炎歊雖十二日得有

陣雨連日晴霽仍覺暑熱未減茲偶臨斯榭若早晚續
霽時霖庶慰招涼之願至此處積年題句書懸柱棟遠
乙卯年已遍曾有題滿龍詠聽其常之句現值歲暑盼
霖復拈前韻擬將新什刻木懸之檐端仍不能已於吟
詠也
朧期時若原吾常

予於雨暘民瘼日繁懷抱每歲駐蹕山莊或連陰望霽或當暑盼霖

先事之憂無時稍釋課
量多寡原自視為常爾

林下一首五疊乙未韻

符願坐林下嘉陰披爽便雖然歸政子仍勵闢邪肩二

豎獲日指一章捷望穿促吟乘颯籟睫眼廿三年

予於乙未

年林下戲題曾有擬號箇中者還當二十年之句蓋其
時擬於二十年後歸政嗣子或得遂林泉之樂自丙辰
元旦授璽心願符初迄今已閱三年而訓政勅幾仍未
敢一日稍懈兼以籌勦教匪切盼捷章馳諭督催殆無
虛日以視悠游林下者殊難比擬茲偶
來憩坐迴溯前吟倏忽已二十三年矣

詠荷花

六月春光正若斯妍而弗艷恰宜詩可知底處無君子
元史如何獨漏之

湖中初見慢嫌遲君子風流正若斯雖曰遲開亦遲謝

九秋有共菊花枝

山莊荷花於六月始開較之他處為遲然至八九月尚開放未已蓋開遲

謝亦遲物理固當如是向年自木蘭回蹕山莊時園中荷花每與黃菊同榮屢見昔年題詠

獅子園得句

獅林山水鎮如此昔水今山睫眼斯登耄不期今日至
成章忽憶少年時猶然此爾應增愧所以裁之尚未知

堂迴妙高仰

昔額

妙高堂在園之西北堂額乃聖祖御題

幾曾津逮祇慚之

松柏室

種松植柏以前墀

昔日心期仰可知今此從何

詩禮問松貞柏古故如斯

芳蘭齋憶舊

寅歲隨來侍宴辰分明一瞬七旬跋

命

皇妣領

聖母觀

恩諭曾稱

有福人

康熙壬寅予年十二歲蒙山莊萬壑松風之側其時

皇祖賜居避暑皇考在潛邸居

獅子園恭迓

皇祖特命

皇祖駕幸園中進膳予隨侍來園皇妣孝敬憲皇后率聖母孝聖

憲皇后展觀請

安即蒙

恩諭果是有福之人

當日

聖祖眷

顧藐躬深意直貫注至今計康熙壬

寅距今歲戊午已七十六載予年八十有八追憶往事孺慕尤深

宜照齋

宜照由來在夕陽偶臨早晚那符常

是齋為出入西北門傳餐臨憩之所

齋名宜照本於夕景為宜而來此多值清晨攬景拈吟亦正無容拘滯爾

既思設具淵明意

亦可閒吟商隱章

陶潛詩山氣日夕佳是佳處正宜於夕然李商隱詩又有夕陽無限好只

是近黃昏之句可知朝曦夕照觸景抒懷義各有當且予命齋之義亦以事理幾微均宜燭照與陶潛之旨微別曾見之舊什亦何必拘泥夕佳之句也豈必東西定拘泥

去聲

適然瀟灑正

何妨西南望捷仍憾憾三載於斯一瞬祥

碧靜堂

碧天雨過全消暑靜室窻前小坐宜欲使後來弗重構
既思此構屬何為

含青齋有會

迤邐由南途就下山齋向北莅含青詎云娛目茲偶憩

實以怡心適所經謂園城外山田慰在彼哉非在此林惟佳爾

穀惟馨成章今作隣昔什俾慎將來聰者聰

雨 六月十七日

晴適旬朝度

自本月初四日涯霈時霖初八日即交初伏連值晴霽氣候較炎雖十二日得有陣

雨旋即放晴熱仍未減且現屆大田長發之際晴已及旬正資雨澤本日早間陰雲間作午後密雨優霑勢甚滂沛至申刻方止入土約有三寸不獨煩歎頓減於農田大有裨益似此暢雨應時允堪誌慰 雨欣三寸宜不徐還弗疾允渥亦覃滋千澗玉聲落萬林珠點垂晚來晴正好潤濯夕陽姿

清舒山館

清是山之體舒則山之用體用兩相兼

聖意繹應頌

清舒山館乃聖祖御題額

臨斯數十年闡義新成誦

可知學無窮自畫害斯重

含德齋

雙文

含德具兩義一則於人一已躬

齊額為敬繹含字義所包至廣

聖祖御題

以人已而言已德不須誇人德不須忌且在我者貴乎
蘊藏施人者貴乎廣被曩作詩屢闡其旨詳向年詩註
黏壁飛驄中雙鹿試言為異抑為同

予於戊申曾命補圖已亥年木蘭射鹿得雙畫幅黏
於含德齋壁其時予年七十有八披閱展玩覺少壯
時挽強命中雄心猶在是年距獲鹿時已及十載正

值平定臺灣生擒林爽文莊大田二首逆恰符中必
疊雙之兆曾題以詩並命皇子近臣屬和自壬子以
後數年或因節候早寒或因雨水較大未舉行圍之
典今予春秋八十有八精神康健日勤訓政豈尚復
以射藝矜能然結習未忘究未免見獵心喜偶來齋
中覩舊日黏壁圖畫輒為神旺且年來籌勦川楚教
匪雖屢殲賊衆其起事之首逆齊王氏姚之富二犯
亦已雙擒殲戮但奔竄餘匪尚有李全高均德王三

槐徐添德冉文儔羅其清阮正通等皆屬渠魁稔惡
刻下大兵四路攻圍計此數逆首亦當駢連就縛疊
符得雙之喜或此時捷音業已在途早晚即馳至山
莊尤所欣願也因觀齋壁舊題復成是什並識此以
紀歲月

戒得堂誌愧

了識去年如昨日
候看今歲似前辰
率成新句隣舊句
那免令人慙古人
盼捷依然千里外
飛章亟待一朝臻

今誠老矣得難戒即此自知學未純

對荷

武列分來外澗汪溫泉匯出內湖洋

熱河以地有溫泉得名或以為即濡

水之源其說非是曾於戊子駐山莊時遣喀喇沁郡王拉特納錫第內大臣努三等往尋熱河源則得之於察汗陀羅海蒙古語察汗謂白陀羅海謂首蓋以山阜得名其地距熱河二百里而羸流經固都爾呼達巴漢麓蒙古語固都爾呼者伏行達巴漢者嶺也遂名固都爾呼河西南至於中關東茅溝河水自玳瑁溝出西南流注之又合而南流賽音郭勒河水自三道溝出南流折而西南與湯泉合又西注之蒙古語謂好為賽音河為郭勒湯泉蓋出山莊東北湯山者也三源既匯又西南流沿山莊東北歷鍾峰下山莊行宮內亦有溫泉流出

滙之於是始有熱河之名鄴道元水經注云濡水又東南流武列水入焉其水三川派合又東南流逕列谿謂之武列水東南歷石槌下層巒之上孤石雲舉高可百餘仞其水合流入濡按道元所言石槌卽今錘峰其曰三川卽今固都爾呼茅溝賽音郭勒三源是熱河之爲武列水無疑至濡水卽灤河來源甚遠其與熱河合流處乃在喀喇河屯東南數十里之鳳凰嶺則熱河乃會濡水而非濡源審矣詳見舊作熱河考

由來二

水卽一水那論彼良與此良山影不妨隱秋早

山莊羣峯回互

地居高迴較他處早寒不待嚴冬卽有輕水凝結波光山色隱現殊觀氣候早晚固自不同也

沼華或

致破冬芳

山莊荷花於六月始開雖覺稍遲然至八九月間尚芬葩未已向年自木蘭迴蹕時園內

荷花猶與菊花同放蓋開遲謝亦遲亦以地有溫泉故花特耐久也設如君子論其德遲

早之間此耐長

立秋前一日作

六月廿五日

夜雨即朝晴

天恩沐允誠蔥菁山阪茂高下石塗平事極率自返

年來

勦辦川楚教匪盼望捷音肝宵莫釋節據各路軍營奏報雖屢有斬獲而緊要逆首如李全高均德王三槐徐添德冉文倚羅其清阮正通劉成棟張漢潮等尚未就擒計勦捕已閱二年有餘賊勢亦日就窮蹙且事極必返諒各路擒獲逆首蕩平

運虧起以盈

近據勒保等奏賊衆喜音亦當不遠矣

匪經官兵殲斃五六千名餘匪向臨江市一路竄逸現在王三槐等所竄之陳家山即係林亮公從前屯聚處

所徐添德一股屢經官兵逼擊亦向開縣奔逃三股賊首自必竄聚一處而李全高均德阮正通等各股賊匪由陝境竄至川省南江一帶與冉文偉羅其清會合現在德楞泰已由廣元馳赴南江會同恒瑞惠齡等兜擊明亮亦趕赴前途合力攻勦其楚省劉成棟等一股賊匪亦據景安等奏報殲賊二千餘名餘匪逃至陝省平利縣界額勒登保興肇現帶兵入陝與宜綿兩面夾攻併力奮擊等語俱經降旨嚴行飭催賊匪等罪惡貫盈孽由自作現經官兵四面兜圍進首伏以炎官設孤注自入等亦更無從竄逸諒可計日成功耳來氣煩歎轉甚蓋金令將行炎官逞酷如設孤注明日訝

金行

秋澍齋即事

秋澍早額昔年齋秋近來斯例弗乖却似廓如者隱笑
不如無識語應佳

欲雨又思即晴好是為農諺兆佳秋

農諺以立秋日之雨不雨為三秋雨

多雨少之占惟得雨即晴乃為佳兆昨日酉刻立秋午
前微飄雨點俄頃即止今日早間尚覺微陰逮巳午之
交晴曦開朗氣候清佳山川千古應含笑似此誠難副
恰於新秋占驗為宜

所求

創得齋得句

景光殊異哉秋信昨朝催觸目創與會因心得以該金

曦照林焰珠露綴枝皚此際應生慰仍愁盼捷來

補詠平苗戰圖四章

有序

平苗役歲於丙辰之冬既於丁巳春聯句以紀其事因命仿舊日西師金川臺灣之例繪為戰圖圖凡十有六內十二圖舊有紀功之作即命書於圖上其四圖無詩因補成之夫苗疆自康熙雍正年間陸續戡定改土歸流食毛踐土百有餘載實與齊民無異乃乙卯之春楚苗石三保石柳鄧吳半生

等互相煽脅劫掠鳳凰乾州永綏三廳地方其時
福康安在滇南一聞此信即帶兵馳赴貴州松桃
正大一帶勦辦並有闌入四川秀山境者適和琳
已放四川總督自藏回川得報不待諭旨即馳往
會勦節次攻克賊寨擒獲渠魁功屈垂成而二臣
因勤勞軍務先後病逝良可惜也是役自始事迄
歲功凡閱二年苗疆悉就底定今則田田宅宅各
安作息久矣溯自用兵以來籌筆之焦勞決機之

次第以及將士之艱辛胥於詩乎見之撫斯圖也
惟勤思止戈為武之義益慎撫綏而圖安輯非云
侈功績也既補成四詩爰序其梗概以示來茲

攻克爆木山

逆苗吳八月之子吳廷禮等與降苗吳隴登尋釁
焚殺降苗窺伺營卡節經福康安和琳由天星寨
一帶進剿該處山高澗窄懸崖陡立路逕又復叢
雜而爆木山地良坡均為進兵必由之路賊苗抗

守甚堅隨分兵兩翼直撲爆木山梁賊苗瞭見即
分投迎拒我兵鎗箭齊發閱三四時之久漸逼山
頂木城已圖魯侍衛等奮勇躍入殲賊無算餘賊
向山後地良坡竄逸遂將爆木山攻克

平苗已繪戰圖成舊詠各題餘四呈補詠聊因吟四什
首章爆木紀攻程

攻克廖家冲生擒首逆石三保

石三保裒顛惑衆妄稱苗王實為首先滋事渠魁

節經和琳督率官兵奪險入緊逼賊巢石三保被勦緊急不能抵禦欲往六都地方竄匿隨密飭各路卡隘嚴加防禦並懸立賞格切實曉諭各降苗寨落一遇石三保竄至即行縛獻時官兵攻抵廖家沖探訪石三保欲竄往土蠻地方隨即分派官兵馳往迎捕適石三保由角如踏者一路竄至哄哄寨被土蠻龍子貴等誘至坳溪地方和琳聞信即領兵馳赴該處將石三保拏獲俘解京師伏

法

廖家冲據石三保惑衆假顛禍始猖奪險擒渠不日尅
首功今尚憶賢良

收復乾州

馬鞍山與乾州相去雖近過河至乾州尚有大小
山梁數道賊匪均築石卡守禦時福康安已病故
和琳即分兵三路先令左右兩路作勢搶渡誘賊
賊匪望見即捨命抵禦和琳隨督率中路官兵於

上下游兩路官兵力敵之際亂流竟渡賊匪紛紛
惶駭退上尖雲山梁佔據左右兩路官兵亦乘勢
過河悉力攻撲賊卡將尖雲山奪佔維時遠近逆
苗聞風麇至乾州附近周圍山包分布幾滿官兵
扳援登陟奮力進攻晝夜接戰連克黃蓮坡晒穀
坡窑灰坡田頭沖三礮臺木城石卡數十處直抵
二礮臺賊匪見官兵勢大恐被圍困不敢入城旋
即四散逃逸當將官兵於二礮臺暫行駐劄並將

緊要山梁一律安營拏卡和琳隨進入乾州查看
城垣官署倉庫民房並籌辦安設乾州本任文武
派駐官兵等事俟大局布置妥協即帶兵進剿迅
擒渠逆

疆臣昔竟失乾州三路兵驅上下游十寨二臺雖據隘
一臣揮指大功收

攻克强虎哨

强虎哨為平隴緊要門戶和琳派兵由礮樓坡進


攻前有溪河一道賊苗拒守甚堅官兵搶至河邊
誘賊迎擊和琳親自督兵由龍圖營繼進乘勝渡
河分據左右山梁維時平隴一帶遠近各寨苗匪
乘官兵營卡未定捨命前來攻撲和琳嚴兵以待
止令輪流迎擊毋許追逐以疲兵力而賊苗晝夜
上撲多被鎗箭擊殺察看賊情漸怯和琳即督率
將領分兵兩翼出其不意直攻強虎哨山梁該處
山坡層疊草深樹密節節俱砌有石卡卡內窩棚

櫛比無數官軍密從懸崖陡坎盤旋而上一近石
卡即拋擲火彈燒燬窩棚乘勝殺入斃賊無數進
據強虎哨當有勞神寨地母村苗目率衆乞降

補圖次第各成篇強虎之苗靖以全邪教東西竄無定

川楚教匪勦辦二年有餘節經官軍分路兜擊逆匪等
畏懼奔逃各首逆尚在稽誅近據宜綿勒保等奏陝省
李全高均德一股賊匪復竄至川北渠縣大神山與阮
正通冉文儔羅其清等合為一路現經德楞泰帶兵赴
川與惠齡恒瑞併力夾剿其川東王三槐徐添德林亮
公等各股賊匪亦已合而為一同竄至開縣陳家山一
帶地方勒保現督同鎮將等上緊兜擒至原竄楚境之
劉成棟張漢潮等一股賊匪據景安奏現又竄入陝省

平利縣鎮坪地方額勒登保興肇已帶兵赴陝與宜綿
明亮合擊賊匪等東竄西逃不過苟延殘喘勢已萬分
窮蹙擒渠奏凱指日可期
盼望喜音尤刻難稍釋爾
凱音待歲尚忺然



御製詩餘集卷十九

欽定四庫全書

集部
御製詩餘集卷二十

欽定四庫全書

御製詩餘集卷二十

古今體三十九首

戊午四月

巳未

文園獅子林得句

武水文園裏

襄作熱河考詳言熱河乃會濡水而非濡水之源蓋濡源出察汗陀羅海匯固都爾

河茅溝河賽音郭勒河三源流至山莊東北鍾峰下行宮內有溫泉流出會之始有熱河之名鄴道元水經注

云濡水文東南流武列水入焉其水三川合派又東南厯石槌下孤石雲舉高可百餘仞紫石槌即今鍾峰武

列水即山莊相資德以胥底須論南北

文園獅子林本吳中名勝南巡

欽定四庫全書



御製詩餘集

卷二十

一

時屢至其地摹蹟題詩曾於長春園東北隙地規倣其
製得景凡十有六皆系以句甲午歲復於山莊清舒山
館之前度地倣為之一如御園之景名之曰文園仍隨
景各紀以詩是獅子林數典吳中及御園山莊而三然
山水天成奚論南北不可云同更何必言
異詳見甲午題文園獅子林十六景詩序
率可印明虛

牆外僧冠暎

僧冠峰俗名僧官帽其形如毘盧覆頂土人以峯上雲氣聚散為晴雨之驗乾隆甲

午年始易今名在行宮門外南數里許

湖中君子居

湖中荷花正茂

設如詢姓氏

蓋不出倪徐

吳中獅子林本以倪瓚獅子林圖得名因傳為雲林別業屢經駁致蘇州所弄倪卷

題詩以紀甲辰南巡復得徐賁畫獅林景十二幀後有姚廣孝跋稱徐賁為僧如海作又陸深跋稱元僧維則好聚奇石類狻猊故取佛語名菴如海即維則三輩弟子是獅林之名實昉於此初非倪瓚所居或瓚嘗遊詠

茲寺後人遂傳為倪氏別業未
可知也屢見向年疊韻詩注

廣東巡撫陳大文奏報早稻收成八分有餘詩以

誌慰

粵東真福地每歲早成勤

粵東地處嶺南氣候暄暖每歲兩稻收成視他處較早

又喜秋七月報來陳大文

據陳大文奏廣東省早稻現已陸續收穫登場各府州所

屬地方收成九分者五縣收成八分有餘者二十三州縣收成八分者一廳五十二州縣收成七分者十縣合計通省早稻收成共八分有餘糧價甚平地方寧謐等語 八分餘有穫踊價略無聞

豈不欣方寸仍惟惕勝欣

物魚亭得句

物魚名與彼歧同上下察存指顧中自謂饒他一著者
經營不藉庶民攻

按大雅靈臺之詩以詠歌文王德及於民有臺沼之
樂而民樂其樂然細繹詩辭曰經之營之庶民攻之
不日成之則猶不能不資於民力蓋古者力役之征
聖王不廢周禮所云公旬三日及二日一日即當時
役民之法詩人以文王用民之力而民忘其勞為頌

揚歸美之辭顧予思之用民之力以供遊覽何如不
資民力之尤愈乎我國家偶有工作皆弗用正帑惟
以闕稅盈餘及內帑節省者物給價工給值絲毫不
以累民而貧者轉受其利即歷年駐蹕山莊亭臺點
綴間事添葺從未嘗少資民力向年所著知過論已
詳言之是予所引為已過者視大雅所云或猶可無
愧乎偶題牴魚亭附識數語以示意

過嶺戲題

西升東降右循左

創得齋與旃檀林相隔一嶺創得齋在嶺西居右旃檀林在嶺東居左由

創得齋至旃檀林則升自嶺西向東而降為右循左也

左陟右臨東向西

若由旃檀林至

創得齋則升自嶺東至頂向西而降左右升降之間殊費脣舌足見日理事幾之難也

一嶺漠然

付不識蒙莊繹出物之齊

旃檀林得句

或稱南海或西藏

天竺自稱旃檀國其有無不可考扶南交趾皆有旃檀見唐書西域傳按

交廣地濱南海距山莊甚遠山莊所植惟有楓櫟等樹與旃檀無涉向年曾有旃檀名本因假借真樹千林信

孰充之句塞外山莊何有馬丈六拈花祇微笑不然然處不

妨然

澄霽樓

如洗碧空霽景澄
綺樓偶陟上之層
無端天漢騁秋日
飛遞捷章到未曾

出麗正門觀稼作

五月駐茲七月半
觀農一出御青驄
試看翼翼與與者
都在勤勤念念中
雨不愁多根柢潤
暘誠宜暴粒漿充
那能弗慰慰猶悚
影響惠從夙勵衷

石城

石城十七里餘為駕壑騎峰壯且奇詎是司農費公帑貪官罰彼出家貲

山莊石城乃康熙年間噶禮罰貲修築者噶禮歷任山西巡撫屢被劾控婪贓等事俱經辯釋嗣任兩江總督經巡撫張伯行劾奏噶禮通同攬賣舉人向主考官索銀五十萬兩噶禮亦列款劾張伯行並奉

旨解任交張鵬翮赫壽查審僅將主考官等抵罪張伯

行誣叅議革職贖徒噶禮免議蒙

皇祖嚴飭諭諸部臣及九卿詹事科道等公核以噶禮
張伯行互相訐奏玷大臣職均議革任

皇祖念張伯行居官清正仍留原任噶禮操守難信依
議革職事在康熙五十一年此石城之修當即其時
罰彼所為我國家無力役之征一切工程皆發帑給
值從不累及閭閻至園亭偶有興作則並不用正帑
率以內府餘項為之或貪官污吏罰令出貲使貪谿

聲者知所做茲偶詠罰築石城一事特檢查噉禮原
傳為之仰見

皇祖保全清官懲創墨吏實為仁至義盡不特慎重工
作愛惜勞費而已誠可奉為萬年

家法也謹識

澄觀齋

試問澄觀處於秋最合宜

天高氣有肅雲淨意無為惠迪

奎章迴

殿額惠迪吉三字
乃皇祖御書

征邪我武施所慙方寸者懸

捷尚孜孜

出山莊北門瞻禮梵廟之作

許多梵宇因平遠

山莊城外北山一帶崇建寺廟如普寧寺係乾隆二十年平定西陲四衛

拉特來覲做西藏三摩耶廟式建此以紀武成安遠廟則二十四年因降人達什達瓦部落遷居於此做伊犁固爾扎廟式為之普樂寺則三十一年所建以備諸藩瞻觀至布達拉廟成於三十五年做西藏大昭式敬建以祝慈釐扎什倫布廟乃四十五年班禪額爾德
尼來熱河為予祝七旬萬壽時做後藏班禪所居新建者其他如殊像寺廣安寺羅漢堂諸所營建實以舊藩新附接踵輸忱其俗皆崇信黃教用攝茲梵宇以遂瞻

禮而寓鉅懷非徒侈鉅麗之觀也

何事區中邪教張

川楚匪徒妄立白蓮邪教聚眾倡亂

乃內地奸民非若窮荒遠徼可姑置諸化外者狼莠必鋤用兵實非得已也

捷伐六軍寧可

罷遷延三載尚如常

邪教滋事起於前歲之春計勦捕至今已二載有餘雖疊經帶兵大

員等四路兜擒殲斃多賊其闖入楚陝邊界者俱已次第廓清悉竄至川北川東界內惟首逆多名尚未全獲川北則有李全高均德羅其清冉文儔阮正通川東則有王三槐徐添德林亮公劉成棟張漢潮賊匪等敗竄之餘不過苟延殘喘現經勒保惠齡恒瑞德楞泰明亮額勒登保等帶領雄兵分路截勦諸首逆自可不日就擒亟望捷音飛至

化民無德誠忤切督將惟嚴令武揚六十年

餘外夷服却慙授政戢斯狂

自丙辰授政子皇帝用嘉慶紀年而一切軍國大事

予仍躬親指示不敢遽圖暇逸即勦捕教匪一事籌筆
勤勞凝盼捷章殆無虛晷亦惟以德化未孚時引為已
愧耳

登四面雲山亭子作

最喜巖亭同我歲

亭建於康熙五十年辛卯迄今八十八年與予春秋正同

一年一

度暢吟觀木梁木柱勒全滿碑版碑陰鐫又完

每歲登臨必有

題詠梁柱間懸掛已徧丙辰年遂刻詩於亭南之碑面昨歲登亭周覽見碑陰尚餘空處又將詩句勒於碑陰更無可鐫

擬欲罷詩復難默重教立碣試增看

今歲來此不能

罷吟復有此作擬另立一碑鐫刻新什

促成七字飽餐返

每歲登亭即於此傳餐遂成例

事
山迴秋高了不寒

福建巡撫汪志伊奏報早稻收成八分有餘詩以

誌慰

福省居南近廣東報收早稻夙期衷昨看粵奏茲閩奏

實喜收中符望中

昨據廣東巡撫陳大文奏報通省早稻收成八分有餘可稱中稔福建係

廣東隣省今又據巡撫汪志伊奏稱閩省春夏暘雨應時早禾暢茂現屆成熟之期除臺灣一府尚未報到所有內地九府二州各屬收成九分有餘者侯官等三縣九分者閩縣等二十一縣八分有餘者福清等二十一縣八分者羅源等十州縣七分有餘者長樂等五縣合計通省各府州早稻收成八分有餘等語閩粵均係南

省氣候暄溫早稻登場率先他省茲節既過八分亦稱稔
據兩省奏報收成俱屬中稔洵堪志慰

那能十熟屢資豐南瞻海嶠同民慰乾惕殊民自勦躬
直隸總督胡季堂河南巡撫倭什布同奏報秋收

九分有餘詩以誌慰

心殷惟是雨暘若令歲堪稱澤普甘古塞親瞻內與外

今夏巡幸山莊以來雨暘應候古北口內外皆係蹕路
所經目擊田禾暢茂茲據直隸總督胡季堂奏報各屬
秋禾已屆成熟之期河間正定兩府屬約收十分永平
保定天津順德大名承德易州冀州定州等府州屬約
收九分有餘廣平府並深州所屬約收九分順天宣化
府暨趙州所屬約收八分有餘遵化州屬約收七分有

餘口北道屬約收七分合計通省大河遍及北還南

同

又據河南巡撫倭什布奏豫省九府四直隸州春夏以

來甘雨優渥秋禾一律飽綻現據各屬開報約收十分

有餘者禹州寧陵安陽太康汝州等五州縣十分者尉

氏儀封祿州等十八廳州縣九分有餘者祥符睢州等

二十七州縣九分者新鄭商邱等二十七縣八分有餘

者杞縣鄭州等二十三州縣八分者密縣武安等八縣

合計通省收成九分有餘等語與直隸省秋收分數相

同均屬上稔一日連披兩省奏牘各報豐年實堪志慶

即欣有雨高下潤不致過霖沮洳耽兩省慰稱九分稔

愁仍勝慰盼功覃

熱

孟秋值小建月季臨於九熱似不可當婪尾氣如炙酷
烈較夏盛此義人知否稼穡多報稔穗結時合久粒堅
氣充滿農諺聽熟有何必嫌炎蒸一瞬光陰偶八徵繹
箕疇曰豫亦誠守

獲鹿

仁祖仙莊育塞禽繁滋麀鹿富林林

我皇祖肇建山莊至今料屈百

年凡苑圍規模及林泉布置皆經聖裁親定草木
鳥獸罔不咸若即苑中所育之鹿滋生蕃息什伯成羣

亦皆仁澤之留貽也

每因有暇即其麋豈礙無虞試已尋一御

火鎗

鎗字韻府收入八庚韻作鼎鎗之鎗與鎗同至古
人刀槍之槍俱從木旁係七陽韻與鎗異義自明

唐順之左編載金人有飛火鎗乃鎗字從
金旁之始詳見舊作花准神鎗詩識語

馥馬仆

馥讀作悞

潘岳射雉賦馥馬中
鎗注馥中鏃聲也

即頒藩部簇而歆

歆字兼歆饗歆
喜二義大雅無

然歆美即作
歆與忻義同

何期八十八齡者目力依然

天佑欽

四川總督勒保奏官軍攻克安樂坪賊巢生擒邪

教起事首逆王三槐報至詩以誌慰

湖北多年邪教羣

白蓮邪教萌蘖於楚北寢及於川陝
邊界煽誘傳習為日已久此等莠民

倡立邪說妄謂入其教者可免災劫以之哄騙愚蒙不
獨顯違正教並不得附托於釋氏羽流真乃邪教中之
邪教向來地方大吏失於查察遂致黨與日增然予初
未嘗遽欲翦除其類即內外大臣等亦未有奏請誅鋤
者其敢作不靖
實自取滅亡也
暘征苗際叛隨聞
教匪蠢動之始因近年湖南逆苗滋事調
集川楚等省官兵勦辦內地防守兵單邪匪遂乘機倡
亂到處逼脅平民肆行搶掠抗拒官兵軍楚省逆首聶傑
人張正謨姚之富齊王氏等假援於先已就誅滅川省
王三槐係在達州起事首犯稔惡稽誅尤為禍首罪魁
覆載所
不容也
雖云疥癬潢中關可弗湔除國伐勤亦以遷延

閱兩歲
勦辦教匪始於丙辰之春雖屢經奏報克捷而逆匪四處奔逃希圖牽掣官兵為苟延旦夕之計各路帶兵大員等惟事尾追致逆匪輟轉逃竄久未肅事因命勒保為四川總督總統軍務節次調派吉林

黑龍江勁旅並雲貴等省精兵分路截
勒計籌辦軍務至今已閱兩載有餘矣

每教督飭勵三

軍茲擒首逆繼勦黨

據勒保奏王三槐等賊夥屯踞開
縣安樂坪地方該處山勢層疊其

險要路口均經賊匪分派頭目安設木城石卡晝夜併
力拒守勒保督率將弁先將頭卡岩洞門攻克賊匪等
守禦愈力勢難徑上惟踞探岩洞門之右有小路一道
雖樹木叢茂石角峻峭尚可扳援登陟勒保因挑選
勇兵丁鄉勇潛往埋伏一面督同舒亮百祥富爾賽等
由岩洞門進攻撲近賊卡鎗箭並發賊匪仍抵死抗拒
其時埋伏之兵勇等已由小路盤旋競上用火箭順風
飛射焚燒賊寨賊匪立形慌亂官兵乘勢扳開木城痛
加勦洗殲斃賊七八百名賊匪不能抵拒遂棄巢奔潰
竄至安樂坪後山復經官兵四面圍襲殲賊愈多王三
槐等無路逃生拋擲器械齊聲乞命當經勒保指揮將
弁將首犯王三槐生擒解京其助逆匪犯三百六十餘

名悉數擒獲斬梟示衆王三槐為川省起事首逆令渠
魁已得其夥黨如冷添祿一股現雖踞守祖師觀趵此
兵威尅期即可掃蕩此外如徐添德林亮公羅其清冉
文儔及由楚陝竄川之阮正通李全高均德劉成棟張
漢潮等犯祇係分竄餘黨聞首犯王三槐已被擒獲自
必紛紛潰散無難速就殄平大功已將告蒞勒保董率
將士調度有方前在雲貴總督任內因平定狝苗錫封
侯爵茲特加恩晉封公爵以旌勞績并命查明在事出
力將領等奏明一體加恩所有襄贊軍務之大學士伯
和坤晉封公爵尚書福長安錫封侯爵其餘在事慶成
之軍機大臣等俱勅部優叙至辦理此事數載以來予
宵旰焦勞實無一時稍釋茲幸元惡就擒膚功迅奏惟
有感謝 吳慈欣
德化慙虧那曰欣
慰之餘益加敬凜

八月初九日作

仰望如

霄上

本日恭值
紹統至今百七十餘年予為

太宗文皇帝忌辰敬念

太宗元孫仰企

音容真如
天上也

俯臨欣目前一身親

七代

予仰蒙
四得名堂憶

吳慈

年親侍

祖佑備膺諸福十全

刻璽

逾常今年躋八十有八精神康健猶日勤訓政本支繁
衍早已慶得元孫一身親見
七代實自古帝王未

有之
盛事

百歲待旬年顧謂元兮勉

元孫載錫於今春已成
婚禮即可冀得來孫之

喜若能仰邀
更為亘古希有佳話欣政實深

鴻佑得遂此願

喜瞻來者連自知不

知足又願庶應然

賦得八月剝棗

得時字八韻
順天鄉試題

五月開花際多愁望雨時

棗花開以五月正值農田望
雨之際至結實時則秋收已

近幽風詠剝棗後即繼以
穫稻亦正為農功紀也

幽風結實後亦幸稔農期開

結人掄節幸愁棗豈知有情輸此著無識泯凡為可驗
一心鏡因題七月詩剝中看落落擎得喜離離須悟莫
爭速應懷相讓宜咨諸撫箋者方寸合甄思

山東巡撫伊江阿奏報收成九分有餘湖南巡撫
姜晟江西巡撫張誠基同奏報收成八分有餘

詩以誌慰

山東欲詠待山西待久未來先自題

山東省奏報豐收之摺於七月二十

七日業經遞到念山西係屬鄰省欲俟山西奏到時並紀以詩今待至旬日尚未據該省奏報或因山西口外各屬稟報稍遲之故因先將山東及暘雨調勻秋稼暢

湖南江西奏報收成

分數彙為一詩

暘雨調勻秋稼暢

黍禾豐茂九分躋

山東巡撫伊江阿奏東省夏秋雨水平調勻秋禾暢茂泰安沂州青州登州

四府並臨清直隸州所屬約收九分有餘武定曹州萊州三府屬約收九分濟南兗州東昌三府屬約收八分

有餘濟寧直隸州所屬除被水外約收八分有餘合計通省約收九分有餘可稱上稔

湖南惟遜

一之欠

湖南巡撫姜晟奏湖南各府州屬本年早稻收成九分以上者瀏陽等六縣九分者長沙武岡

等十六州縣八分有餘者衡陽乾州鳳凰郴州等二十
八廳州縣八分者湘潭茶陵等二十二州縣合計通省
收成八分有餘等語雖較江右亦稱數去聲與齊江西巡撫張誠
山東稍遜亦可稱中稔矣
基奏江西各府廳州屬早稻收成十分者奉新新昌二
縣九分者蓮花廳寧州南昌新建等七十廳州縣八分
者分宜新喻等七縣合計通省收成
八分有餘等語與湖南俱屬中稔
盼捷依然心未愜

遲遲摘句益慙兮

中秋日作

夏杪秋初兩月餘雨暘時叶實非虛不惟齊左江右界

多報中豐上稔書

今歲暘雨應時各省收成皆屬豐稔近據山東奏報九分有餘江西湖南

奏報八分有餘其先經奏報者直隸河南俱九分有餘廣東福建俱八分有餘或稱上稔或係中豐而熟河駐蹕之處快睹豐穰亦在九分以上此時此際登場慶已刈穫已將完畢比戶盈寧洵堪志慶

定誠然祈歲望為舒以何偏滯凱音奏目騁西南總愜

如

署廣西巡撫台布浙江巡撫王德山西巡撫伯麟

先後奏報收成均八分有餘詩以誌慰

批朱每早企深衷各省農田一念同不謂參差三境報

均稱餘有八分中

十六日署廣西巡撫台布奏各屬早稻收成分數漢屬內收成九分者臨

桂等十三州縣八分者靈川等四十四州縣七分者興
安一縣土屬內收成九分者上龍等三土司八分者忠
州忻城二十七土州縣司統計通省漢土各屬收成八
分有餘十七日浙江巡撫王德奏早禾成熟杭州紹興
二府屬收成九分有餘金華府屬收成九分寧波台州
衢州嚴州溫州處州六府屬收成八分有餘統計各屬
收成共八分有餘其杭州嘉興湖州三府所屬之仁和
等州縣向係種植晚禾現在長發青蔥可卜豐稔十九
日山西巡撫伯麟奏秋禾已屆成熟據各屬稟報約收
十分者陽曲等五廳縣九分有餘者長治等五州縣九
分者太原等十四州縣八分有餘者交城等十五廳州
縣八分者榆次等十九州縣七分有餘者臨汾等二十
九州縣七分者曲沃等二十廳州縣合計通省收成八
分有餘各等語令歲各省收成多屬豐稔茲廣西浙江
山西三省復先後奏報同係

因思曰庶加曰富無外民

功在穡功此合慰哉慰仍懽凱音何事盼猶忡

紅葉

踈星幾點曉林中信宿千巖一半紅造物神工迅如此
笑他著筆費闌全

避暑山莊迴蹕至喀喇河屯行宮作

去歲七兇惟賸二

昨秋迴蹕駐此盼望捷音曾有七兇
佇待生擒首之句其時楚北襄鄖一

帶首犯係姚之富齊王氏李全長陽黃柏山首犯係林
之華覃加耀川省達州首犯係徐添德王三槐共有七
犯上年十月內林之華先被官兵鎗斃本年正月經額
勒登保等在歸州終報寨地方將覃加耀生擒解京伏

法三月間復據德楞泰等奏於鄭西縣三岔河地方將姚之富齊王氏圍困山梁賊匪無路可遁姚之富及齊王氏先後自行投墮懸崖經官兵擒斬梟示本月初間據勒保奏報官軍攻克安樂坪賊巢生擒首逆王三槐現在檻致京師計日可到是昨歲詩中所指七兇已得其五惟餘李全徐添德二犯尚在稽誅未獲

八犯總成旬

李全為楚北首逆之一徐添德為川省首逆之一此外楚賊尚有高均德阮正通張

漢潮劉成棟等四犯川賊尚有冉文儔雖其清冷添祿林亮公等四犯合之李全徐添德共十犯尚未就擒

東逃西竄由彼賊追有截無恨我臣

楚賊自姚之富齊王氏殲斃後阮正

通先由陝省竄入川境儀隴一帶李全高均德繼之張漢潮劉成棟由楚竄至川境復由通江南江竄至石泉縣界現在李全與川賊林亮公等合夥竄至墊江梁山之間高均德與川賊冉文儔徐添德等合夥奔竄廣元

一帶其川賊竄聚營山縣之箕山者則有羅其清一股
竄聚開縣之祖師觀者則有冷添祿一股現經勒保督
同惠齡恒瑞德樛泰明亮興肇等於川東川北分路攻
勦賊匪竄敗之餘原不難尅期殄滅總由帶兵大員等
不能設法向賊前截勦惟知在賊後尾追以致各路賊
首四處奔逃時分時合雖疊次殲賊不下數萬而首逆
多名日久尚未全獲節經降旨嚴催或間日或連日望
捷之懷殆無虛晷迴憶昨秋旋蹕至此迄今又閱一年
尚未竣事思之實增煩懣惟冀 昊慈垂佑於今歲
秋冬之交將各首逆悉數殲擒大功速成日深跂望
催督誠然不遺力返躬責已亦惟諄叩

天赦過惠蒼蒼赤耆定功成速報臻

入古北口作

歷夏臨秋三月餘却無一日釋心予欣逢

春賜雨暘若飽攬黍禾內外如闕表關中歲胥稔川東

川北捷猶虛

川東賊匪前據勒保秦報生擒首逆王三槐祇有冷添祿一犯屯踞開縣祖師觀地

方計可尅期掃蕩乃勒保自八月初九日馳報捷音後已逾二旬尚未續奏擒獲冷添祿之信而川北如冉文

儔羅其清張漢潮等各股賊匪雖節經惠齡恒瑞德楞

泰明亮等疊次殲斃多賊但首逆至今尚未就擒仍日

殷望捷耳 七言紀事惟增愧不可無言復此書

迴蹕至御園再疊丙辰韻

御園旋蹕再疊韻三閱春秋運已該剛獲一兇何濟事

川省起事逆首王三槐雖令秋勒保奏報生擒解京尅日可到此外尚有冷添祿林亮公徐添德冉文儔羅其清李全高均德阮正通張漢潮等尚未殲擒計啟蹕至山莊時正殷望捷茲迴蹕至御園大功尚未全竣彌增繁未擒衆醜此空迴飛章豈不目頻注執訊曷曾氛淨

灰例事弗能罷點筆欲鋪箋詠愧先來

含清暉室詠

清暉含得一軒中四季雖同致不同幸是逢年心略慰依然盼捷意猶忡滿窻暖愛趙衰日三面雄辭宋玉風舊詠新題一瞬目三年慙愧迅無窮

初冬

十月小陽節隨時撫景光目殷仍捷望心慰幸年昌

今歲

各省豐收先據直隸河南山東奏報九分有餘廣東福建江西湖南廣西浙江山西奏報八分有餘俱紀以詩其續行奏到各省或九分有餘或八分有餘合計實可稱大有之年座靜短亦永窻明暖不涼菊花紛五色所愛在其黃

四川布政使林雋奏通省收成九分有餘糧價平減並籌備倉穀情形詩以誌慰

秋稔午繼已連登實異常弗敢頻紀筆恐涉好

去聲

言祥

奏函林僑達事因關蜀疆川東及川北

川省自擒獲首逆王三槐後川

東僅餘冷添祿一犯尚在開縣祖師觀竄踞其川北各首犯如冉文儔羅其清徐添德李全高均德張漢潮等疊經官軍截勦賊勢已極窮蹙惟各首逆尚未全擒現在分竄蒼溪閬中南江及渠縣營山等處指日即當藏事刻下各路官兵搜捕軍糧最關緊要全賴年穀豐收足資儲備較之他省望歲尤殷 弭賊需兵

良軍糈之所關惟賴年豐穰通省幸有秋收成九分強

據四川布政使林僑奏成都重慶叙州龍安寧遠雅州嘉定七府眉州邛州瀘州綿州酉陽達州六直隸州敘永一廳收成九分有餘順慶夔州潼川三府茂州忠州二直隸州松潘一廳收成九分保寧府石砫理番懋功三廳收成八分有餘資州收成八分合計通省收成九分有餘洵為上稔又據奏各路軍糧起運陸續在途現

屈秋收糧價平減採買倉穀一百萬石閭閻爭
先出糶實屬有備無虞等語覽奏為之慰幸
稽首叩

天恩庶民獲安康更切捷音來西南騁目望

孟冬還宮敬因重建乾清宮工成有作

昨歲乾清值祝融紀年嘉慶匪乾隆

昨年孟冬二十一日乾清宮弗戒於

火此事紀載應入於嘉慶二年惟予自丙辰授璽後並未退居寧壽宮仍在養心殿日勤訓政事無鉅細皆予

自任之敬思

上天垂戒誠以予仰邀

洪貺踐

昨六十二年壽躋望

九康強逢吉諸福備膺較之

皇祖受

眷尤為優厚未免欣喜過望是以

昊

慈於篤祐之中示以戒滿之意予惟撫躬自責不以謬

之子皇帝此實敬凜寅畏之誠詳

見昨年悔過詩及頒發勅旨內

從來有應必有故不

以責諸惟責躬萬戶千門肯效侈

用漢未央宮事

復初如舊亦

稱崇重成枚實纔旬月

自昨年孟冬至今年仲秋甫十閱月大工重建告成鴻規鉅制

一切復還舊觀辦理甚為妥速茲值進宮吉日特降旨將管理工程大臣官員等交部分別議敘其工匠及總管內監等賞給緞疋有差是日天氣晴和敬謹申謝

天庥

延釐集慶吉祥鞏固至於

仍慙

去聲

卑之大禹宮

萬年永益欽承無斁云

微雪

十月十七日

問夜夜如何欣稱雲氣羅霏微始飄灑紛落漸婆娑倚

柱雙眸豁積樓一寸過

是日子正雪花飄灑至卯初三刻方止積地一寸有餘計小雪

節甫越二日即蒙 昊旣早賜祥霽而近京昌平懷
柔及古北口一帶地方旋據提督愛星阿奏報於本日
得雪二三寸不等馬蘭鎮所轄地方亦據總兵特清額
奏報於十六日得雪三寸有餘較之往歲得雪尤早從
此冬月臘月正可冀陸
續優霑惟益增欽感爾

昊恩早冬沐那敢惜非多

夜雪六韻

十一月初九日

小雪剛符節纔逢一寸和

前月十五日係小雪節十七日京師即得雪寸許附近畿

輔地方亦有奏報得雪之處恰與節氣相符

茲當冬至月大雪未旬過

本月朔節

交大雪距今日未及一句復得此番快雪真應時甘澤也

夜半同雲簇

天膏吉玉羅三時暢霑足

是日夜半層雲密布子刻即飄雪點漸加濃厚直至卯正

方止祥雲霑被積三時有餘之久仰沐 吳恩實為優渥

五寸疊婆娑

此次霑雪優霑據順

天府尹奏報京城內外積地實有五寸且雲氣寬廣近京各屬自必同時得雪於宿麥滋培大有裨益遠近農

民同深歡抃

十二重樓積

十洲記崑崙山一角有積金為天壙城面方千里城上安金臺五所

玉樓十二所漢書郊祀志黃帝時為五城十二樓以候神人於執期名曰迎年是十二樓之數雖出仙家而黃帝時已有其制考京師都城宮殿成於永樂年間其時機事皆決於姚廣孝按明史載廣孝通陰陽術數之學營建規制自多與議今京師宮殿城闔仿古重檐臺門之制者中一路曰正陽門天安門端門午門太和門太和殿保和殿乾清宮坤寧宮神武門鼓樓鐘樓凡十有二當時創建不特借義十洲記所稱崑崙樓數抑即仿

黃帝時十二樓以取迎年之義是以明李時勉北京賦
有云損益乎黃帝合宮之宜也茲值時王應期臨軒舒
眺層檐飛栴真如謝惠連雪賦
渥優三輔多
總督胡季

堂奏報保定省城一帶於初八日亥刻雪花飄揚入夜
續紛大作至初九日辰刻積地八寸雪猶未止俟各屬
稟報到日再行開單彙奏又據長蘆鹽政董椿奏天津
地方亦於初八日亥刻起至次日午刻止大雪紛霏積
厚八寸等語是此次雪澤覃敷輔各屬自當普
被益仰
鴻恩布獲欣慰之餘惟倍增虔惕也
獲

恩增惕息自問合如何

雪
臘月初四日

剛企時靈沃麥田何期清曉貺敷

天

今歲冬雪優霑十月初九日距大雪未及一句京城內外

時霽廣被積地五寸其近京保定天津一帶俱同時得

雪八寸畿輔各屬一律普霑實為應時甘澤計上月初

九日至今將及一月雖前此積雪融化土脉極為滋潤
但現當培護宿麥之時正賴霽霽續被未免略為蒙盼

茲於初四日卯時起釀雲層佈密雪紛敷一晝夜勢尚
未已據順天府尹奏報積地已八寸有餘再閱少時即

可至盈尺以上從來田家以一冬三白為豐年之兆此
次快雪合之前兩次已叶農祥況現距立春尚有二旬

五日更可冀疊霑時玉此實仰邀
昊蒼鴻貺有加無已虔感曷可言喻

自朝至暮霽霑

爾既渥而優益暢然獲落勢欣野廣被配藜澤實惠駢

填非徐非疾態幽雅曰方曰圓色潔鮮踰月復叨心暢

息望膏誠切意懃拳謝莊衣點稱竒瑞賈島詩成自詡

妍方寸一憂去其半捷音速至乃能全

勦捕教匪之役辦理已及三年

各路帶兵大員等雖屢有捷奏其起事首逆王三槐已
經勒保等生擒解京所餘黨夥不難以次蕩平惟自王
三槐擒獲後迄今已閱數月勒保等圍剿川東祖師觀
冷添祿一股賊匪尚未能悉數殲擒其川北賊匪如羅
其清一股經惠齡等將箕山太鵬山青觀山賊巢疊次
攻克而首犯羅其清尚逃竄巴州地界明亮等勦辦張
漢潮一股於楚陝邊界跟蹤追截雖賊勢已萬分窮蹙
而首犯張漢潮亦未就擒此外如冉文傳徐添德阮正
通樊人傑等尚在川陝邊界奔竄稽誅前此各路帶兵
大員等自定限期以年內當可勦辦完竣今已屆臘初
距歲除不過二十餘日節經降旨嚴催不啻百數十次
五夜焦勞幾至不能成寐現當瑞雪應期似可畧舒懷

抱而盼捷之衷仍刻難自釋惟冀早晚喜音飛至俾渠歲績庶稍慰旰宵懸企爾

即事

雨仍有度

春秋左傳曰雨三日以上為霖王充論衡曰太平之世十日一雨是甘雨應期實為休徵

之大者惟常望雨之時固以作霖為喜若霖雨太多又不免有靈潦之虞予向於春夏之交每多望雨之什及甘霖疊沛又亟盼時賜誠以有度之雨乃雪無度各省

為時若多寡分寸之間每刻縈懷抱也

雪無度

各省

地方俱以冬雪卜來歲豐收蓋因秋麥出土得雪澤培護乃資長發而春麥翻犁播種土膏沾透尤省農力且被雪之區蚰子不生最為三冬所亟盼者左傳以平地尺為大雪謝惠連雪賦云盈尺則表瑞於豐年而未嘗以日計博考古書從未有以雪多為過度者此次臘雪自初四日卯刻起疎密相間閱三晝夜之久直至初七

日子刻方止積地實不止盈尺且濃雲廣佈近京各屬
自必同時普被近遠歡騰允為豐年上瑞余感沐

吳慈賜佑既深欣喜彌加虔憂喜謂之中方寸殊過
敬初不以得雪過多為慮也雨雪

甚則難願平等因之日夜念座吾現在甘雪應時固屬
多多益善惟濃陰已

及三日祥雲遍野極為透足又未免以晴霽為喜今早
曦陽晃朗氣候暄和快雪時晴尤為愜意是予之願期

平等寸衷實
無時或釋爾

惠齡等奏生擒川北首逆羅其清報至詩以誌慰

強兵雄將四三千勦逆鋤兇逮二年川省教匪不過內地奸民並無長技

上年秋間曾簡發吉林黑龍江精兵三千名益以所帶
餘丁不下四千名此項官兵最為驍健一以當百加之

該省原調之兵又不下數萬名以之勦捕內地匪徒理應即時殲淨乃自簡發精兵以後迄今幾及二年尚未歲事此則帶兵大員等辦理不善所致咎無可謝也惟事尾追致留滯賊匪屢經官兵勦敗後分股逃竄原不過苟延殘喘各路帶兵大員等果能統出賊前設法堵截四面兜擒何難尅期勦淨乃惟知在賊後跟蹤追勦以致疲我兵力而賊匪因前路無兵攔截遂爾奔竄稽誅遷延時日節經降旨督催不啻百數十次現已將屆歲除盼望捷音尤為殷切

屢行飭督戒俄延其清今日報

擒逆

據惠齡額勒登保德楞泰奏山川北逆首羅其清經官兵痛勦由青觀山竄至官山惠齡與額勒登保

德楞泰分兵兩路夾擊斃賊五百餘人賊匪復竄至老鴉城屯踞官兵奮力攻擊殺賊一千餘名賊匪復逃至邱家堡搶掠經官兵趕上前後合擊又殺賊八百餘名餘匪竄入山寨官兵鎗箭並施復用大礮轟擊斃賊無

算賊匪捨命滾厓四竄惠齡等督兵於十二月初一日
趕至白垵子地方詢知羅其清兄弟帶有二千餘人在
蔡家梁下溝藏匿惠齡等先派兵勇於溝之南北堵截
隨親督弁兵於蔡家梁兩面下壓其溝內藏匿之賊殲
洗無遺遂將首逆羅其清及伊弟羅其書羅其秀伊子
羅泳福一併生擒於嘉平十六日喜音馳到望捷之懷
為之稍慰川北斯平靖燹烟羅其清為川北著名首逆且各
次惠齡等分路兜勦七晝夜殺賊五千餘人將羅其清
父子兄弟悉數生擒並擒獲賊夥一千餘人軍聲大振
各路賊匪自己聞風胆落惠齡等現帶兵前赴通江勦
辦冉文儔一股賊匪俟此股勦淨川北即可肅清此外
竄匪如徐添德林亮公李全高均德阮正通等不難次
第殲除至勒保勦辦之冷添祿一股及明亮等勦辦之
張漢潮一股賊勢俱已窮蹙惟冀旦晚捷音踵至譬以
將各首逆按名擒獲剴淨根株蕝功自當不遠矣

蠹株要全淨旁枝剔去繼根牽

即事

玉樓十二積霏華澤麥春膏逼近遐齊左豫南應即報
晉西陝右願無差有收接稔民欣遇勦逆除奸衆奮加
賊首生擒尚餘幾捷章迅至佇三巴

川楚教匪著名首逆如聶傑人張正

謨覃加耀姚之富齊王氏早經次第擒誅其川省起事首犯王三槐及川北首犯羅其清現俱生擒解京此外尚有冷添祿張漢潮冉文儔徐添德林亮公李全高均德阮正通等分竄稽誅若早晚捷音馳至將此數犯按名擒獲即可尅期

歲事佇盼尤殷

除夕立春

戊除

去聲

因循舊未新坦蕩迎萬環輪甲子今夕太分明

是日

立春

穀豐雪盛今年昌感荷屢綏佑

上蒼方寸誠宜渥深慰依然渴捷勅幾忙

已未元旦

乾隆六十又企四初祉占豐滋味參

史記律書云未者言萬物皆成有滋

味也八十九齡茲望九乾爻三惕敢忘三雖云謝政仍訓

政是不知慙實可慙試筆多言今可罷

自乾隆乙亥年既成元旦詩一

首復有元旦試筆二首此後率以為例洎丙辰授璽以來於一切年例之作漸從簡省而元旦試筆仍依例成吟今予春秋八十有九仰賴訓政如常欣值履端吉旦自應有詩以紀然望九之年允宜靜攝其試筆二章茲擬減吟矣

高年靜養荷

旻覃

望捷

三年師旅開實數不應猜邪教輕由誤官軍勦復該領


兵數觀望

勦捕教匪之事已閱三年其始不過一二亂民倡立邪教煽誘愚蒙而地方大吏意存輕

忽覺察不周遂至黨與日增蔓延滋擾此而不加剿滅何以靖地方而安良善用兵實非得已今川省起事首犯王三槐及川北首犯羅其清已先後就擒其餘奔竄匪徒如冷添祿冉文儔張漢潮等犯現雖鋌走稽誅諒不難以次俘擒駢首就戮惟軍興日久賊蹤一日未淨則良善赤子受一日之害此實領兵大員等遷延貽誤不得徒諉殘赤不勝裁執訊迅獲醜都同逆首來

現在已屈

新正惟冀喜音迅遞將各路著名匪犯悉數生擒接踵而至即可計日歲功盼望尤為殷切



御製詩餘集卷二十